



CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓN PÚBLICAS E XUSTIZA E A FUNDACIÓN CLUSTER DE EMPRESAS DE AUTOMOCIÓN DE GALICIA (CEAGA) PARA A CESIÓN DE USO DE 25 VEHÍCULOS ELÉCTRICOS E DE ESTACIONES MULTIFUNCIONAIS DE ELECTROMOBILIDADE

Reunidos, na cidade de Santiago de Compostela, a 23 de xaneiro de 2018

Dunha parte Don Alfonso Rueda Valenzuela, vicepresidente e conselleiro de Presidencia, Administracións Públicas e Xustiza, en virtude dos Decretos 229/2012, do 2 de decembro, polo que se nomean os titulares dos departamentos da Xunta de Galicia e 230/2012, do 2 de decembro, polo que se nomea ao vicepresidente da Xunta de Galicia, no exercicio das facultades que lle confire o artigo da 34.1 da Lei 1/1983, do 22 de febreiro, de Normas reguladoras da Xunta e da súa Presidencia.

E doutra D. Alberto Cominges Barreiro-Meiro, en calidade de xerente da Fundación Cluster de Empresas de Automoción de Galicia (CEAGA),

As partes comparecentes recoñécense mutuamente plena lexitimación, capacidade e representación para a sinatura do presente convenio e, a estes efectos

EXPOÑEN

- I. O artigo 14.1.f) do Decreto 72/2013, do 25 de abril, polo que se establece a estrutura orgánica da Vicepresidencia e Consellería de Presidencia, Administracións Públicas e Xustiza, atribúe á Subdirección Xeral de Coordinación de Servizos Transversais, integrada nesa consellería, a dirección do Parque Móbil da Xunta de Galicia e a coordinación dos parques sectoriais pertencentes a outras consellerías.
- II. A entidade "Fundación Cluster de Empresas de Automoción de Galicia (CEAGA)", con CIF G- 36.983.575, propietaria de 25 vehículos eléctricos, 6 puntos de recarga rápida e 11 puntos de recarga lenta, que se relacionan na táboa anexa ao presente convenio, está interesada en ceder o uso destes bens á Xunta de Galicia. Así, na reunión do Padroado da Fundación CEAGA de data 4 de xullo de 2016 adoptouse o acordo de aprobar dita cesión á Xunta de Galicia.

En consecuencia, ao abeiro de todo o exposto, no exercicio das funcións que lles son propias, as partes asinantes acordan outorgar o presente convenio de colaboración con base nas seguintes:



CLÁUSULAS:

PRIMEIRO.- OBXECTO

O obxecto deste convenio é a cesión, por parte da "Fundación Cluster de Empresas de Automoción de Galicia (CEAGA)" á Xunta de Galicia de 25 vehículos eléctricos, 6 puntos de recarga rápida e 11 puntos de recarga lenta, detallándose os vehículos na táboa anexa ao presente convenio.

SEGUNDA.- OBRIGAS DA FUNDACIÓN CLUSTER DE EMPRESAS DE AUTOMOCIÓN DE GALICIA

A Fundación Cluster de Empresas de Automoción de Galicia comprométese a ceder o uso, con carácter gratuito, de 25 vehículos 6 puntos de recarga rápida e 11 puntos de recarga lenta. A entrega dos bens farase efectiva previa sinatura da acta de aceptación por parte da Secretaria Xeral Técnica da Consellería de Presidencia, Administracións Públicas e Xustiza. A cesión de uso do dito equipamento comezará na data da sinatura da aceptación da cesión e rematará o 31 de xaneiro de 2019.

TERCEIRA.- OBRIGAS DA VICEPRESIDENCIA E CONSELLERÍA DE PRESIDENCIA, ADMINISTRACIÓN PÚBLICA E XUSTIZA

A administración cesionaria comprométese a:

- Dar de alta os citados vehículos na póliza de seguros de Xunta de Galicia.
- Asumir os gastos de todo tipo que xerasen os bens obxecto da cesión, o seu transporte, utilización, impostos e conservación. Así mesmo, será de conta da entidade cesionaria o pago do Imposto sobre Vehículos de Tracción Mecánica.
- O correcto uso dos bens cedidos e da adopción de todas as medidas precisas para a súa adecuada conservación e custodia.
- Comunicar ao organismo competente de tráfico a cesión dos vehículos para os efectos oportunos. A titularidade dos ditos vehículos manterase, en todo caso, a nome da fundación cedente.

CUARTA.- Seguimento do Convenio



Para facilitar o seguimento e cumprimento do convenio, constituirase unha Comisión Mixta, integrada por un representante da Secretaría Xeral Técnica da Vicepresidencia e Consellería de Presidencia, Administracións Públicas e Xustiza e un representante da Fundación CEAGA. A Comisión mixta poderá ditar as súas propias normas de funcionamento, debéndose reunir cando así o solicite algunha das partes. As súas funcións serán:

- Interpretación do convenio
- Proposta, de ser o caso, de addendas
- Calquera outras relacionadas co desenvolvemento deste convenio

QUINTA.- VIXENCIA

A vixencia do presente convenio estenderase dende a súa sinatura ata o cumprimento, polas partes, das obrigas asumidas. En ningún caso excederá do 31 de xaneiro de 2019.

E en proba de conformidade co expresado neste convenio, asínase, en duplicado exemplar, polas partes comparecentes no lugar e data que se sinalan no encabezamento.

Pola Vicepresidencia e Consellería de Presidencia,
Administracións Públicas e Xustiza

Pola Fundación Cluster de Empresas de
Automoción de Galicia (CEAGA)

Alfonso Rueda Valenzuela

Alberto Comingues Barreiro-Meiro



ANEXO I. Vehículos

MARCA	MODELO	MATRÍCULA	Nº CHASIS
Citroën	Z-Cero	4675HFP	VF71NZKZZBU901671
Citroën	Z-Cero	4676HFP	VF71NZKZZBU901996
Citroën	Z-Cero	4678HFP	VF71NZKZZBU901752
Citroën	Z-Cero	4679HFP	VF71NZKZZBU902266
Citroën	Z-Cero	4683HFP	VF71NZKZZBU901612
Citroën	Z-Cero	4684HFP	VF71NZKZZBU902105
Citroën	Z-Cero	4685HFP	VF71NZKZZBU901750
Citroën	Z-Cero	4801HFP	VF71NZKZZBU902264
Citroën	Z-Cero	4804HFP	VF71NZKZZBU901785
Citroën	Z-Cero	4807HFP	VF71NZKZZBU902044
Citroën	Z-Cero	4808HFP	VF71NZKZZBU901955
Citroën	Z-Cero	4890HFP	VF71NZKZZBU901758
Citroën	Z-Cero	4891HFP	VF71NZKZZBU901669
Citroën	Z-Cero	5124 HFP	VF71NZKZZBU901540
Citroën	Z-Cero	5125 HFP	VF71NZKZZBU901580
Citroën	Z-Cero	5127HFP	VF71NZKZZBU901575
Citroën	Z-Cero	5128HFP	VF71NZKZZBU901496
Citroën	Z-Cero	5129HFP	VF71NZKZZBU902258

MARCA	MODELO	MATRÍCULA	Nº CHASIS
PEUGEOT	ION	6252HGF	VF31NZKZZBU803329
PEUGEOT	ION	6265HGF	VF31NZKZZBU803292
PEUGEOT	ION	6302 HGF	VF31NZKZZBU803083
PEUGEOT	ION	6304HGF	VF31NZKZZBU803254
PEUGEOT	ION	6305HGF	VF31NZKZZBU803244
PEUGEOT	ION	6306HGF	VF31NZKZZBU801525
PEUGEOT	ION	6323HGF	VF31NZKZZBU803383